

太平天国印書

第十八册

誅妖檄文

欽定十階條例

南京太平天国歷史博物館編

太平天国印書

第十八冊

江苏人民出版社



誅妖檄文

天父天兄天王太平天國辛酉一十一年鐫

欽命文衡正總裁開朝精忠又副軍師頂天扶朝綱干王洪製

誅妖檄文

旨准頒行

欽命文衡正總裁開朝精忠又副軍師頂天扶朝綱于王洪 爲

誼諭天下軍民官紳士庶人等知悉竊思
天國永興也有無數之祥兆而妖胡將滅也有
莫大之災氛故

天意滅奴誅滅體之喪於黃土人心歸

主正豪傑之宜頂

青天也緣蒙

天父上帝

言如楊文
天兄基督大開天恩恩命我

真聖主暨

救世幼主下凡御世宰治山河丁酉年之上

天璽劒賜由

上帝四十日之靈體詩章教自

父皇萬鳥來朝早徵

幼主降生之瑞紅光繞室足驗

天啓發跡之祥起義金田則

天兵暗助師渡洞庭則湖不揚波自是而鼎定 天
京歷年十有一載于茲而平定天下約計
三分有二矣值茲滅讎妖首于七月十有
六日已經喪亡所立妖崽今尙未滿五歲
行見權奸得志禍變尋生餘燼雖存不久
自灰滅矣大丈夫原不欺寡婦孤兒

本軍師豈肯幸災樂禍但中年夭折卽是

天命旣訖之徵智士趨時必在取亂侮亡之會况削

爾父母毛髮毀我往古冠裳兵柄盡屬滿
洲大權盡歸妖總以漁課化爲花粉每年
定例八百萬兩胡梓里之長白山每年亦
定收八百餘萬旣盜我邦之珍寶又毒我
國之身靈年耗五千萬銀之鴉片烟歷教
十八省人之拜妖佛事事壞我綱常條條
制我族類此文天祥謝枋得所以死不事
元瞿式耜史可法所以誓不事奴也倘不

乘此妖亡孽立之秋

天奪人棄之候爲中華雪數百年未雪之恥爲祖父
復數百年未復之仇則將來中華之自濯
奇禍屈而莫伸者不堪爲後人述矣爾等
凡屬華裔悉是夏宗皆係

天堂子女無非一脉弟昆何于妖胡妖蟲猶肯爲他
出力而爲本國本省尙不各獻其城其以

堂堂

言如林
三
天國之華人甘爲區區五歲之妖兒捐軀赴難
屈膝低頭鮮有以十八省之大被滿洲三
省所制爲辱五百萬萬之衆受制韃妖三
百餘萬爲羞者誠爲可怒可憐可悲可哭
之中國不堪尙對于

上帝冠冕于諸邦矣况証以胡不滿百之據數旣二
倍有奇考其韃惑中華之汚指實難以屈
算益奴妖胡種也其自順治亂我諸夏實

爲罪魁十八省之忠良多遭屠弑十八年
之閩粵以死爲降再傳康熙招妹納寵僞
大司馬龔鼎孳爲之煽惑而售其欺房幃
之地醜聲藉藉穢惡彰聞一如牆茨之不
可掃也雍正乾隆以下奸奴和昇攬權賣
官鬻爵荼毒等于鯨鯢嘉慶道光兩世穆
彰阿賄賂公行世人謂爲尙和下穆道路
以目華官汪鼎擬叅穆之稿十有八條伊

命革之先親授伊甥僞侍郎張芾孰料其
阿諛逢迎于穆其中止然書其曆傳旣
已汚乎筆硯而考其行跡尤足痛我肝腸
名爲滿不奪華魁自其設科首選者劉子
壯大魁天下終其身不見大用狀元宰相
歷五六世潘世恩一人而已其餘封疆大
員遇缺卽補滿肥華瘠滿尊華卑焉已爾
不納華女究竟元明園藏垢納汚皆華姦

也我中國屯糧津增銀兩盡供各省韃狗
虛糜種種罪惡尙通于天擢髮難數加以
臧禮么麼小子博奕酗酒取之盡錙銖揮
之如泥沙元明園其醉鄉也設男院其漁
色也今則園已灰燼身墮地獄遺數齡之
餘孽難繼妖傳脅強支之妖宗定移妖位
吾知智者無能用其謀勇者無能用其力
也乃我中土華人曷不乘時雪忿勿爲妖

言如楊文
五
惑自縻正可乘勢頂

天無忤英雄立世奮臂則宇宙從風號召則四海相應將見普天率土仍是文物華人省郡州縣依然堂皇國號所望爾等認

天識

主棄暗投明助滅殘妖共佐

天朝事業奮興有志共成後日功名或獻城池或輸糧餉或投軍効用或率衆來降或起

義師合兵北伐或擒妖首進獻 天都

本軍師無不破格奏賞錫爵酌勲爾等旂
常紀績竹帛垂名蔭子封妻自有後來真
福官高爵顯同沾開國榮光倘其執迷不
醒仍作妖狐鬼之僕從坐昧先幾甘爲死
韃狗之守墓不日

天兵所到捷如摧枯 王威所臨勢如破竹縱免玉
石之俱焚難免斧鉞之驚悚 本軍師等

言如樓外
六
仰體我

眞聖主一視同仁之心而切作爾天下士違天
不祥之懼爰舉實事明示四方所願卓犖
英才趁此共圖駿業並期果敢從事無庸
更執狐疑還我中國之體面決計只在須
臾遂爾畢世之功名轉關只爭俄頃機不
可失時不再來無作緩圖致貽後悔布告
中外咸使聞知

欽命文衡正總裁開朝精忠又副軍師頂天扶朝綱王王洪 爲

實情勸諭棄暗投明共出迷途各保永福
事緣夫天下者中華之天下非胡虜之天
下也寶位者中華之寶位非胡虜之寶位
也子女玉帛者中華之子女玉帛非胡虜
之子女玉帛也慨自明季凌夷韃妖乘釁
竄入中華盜竊神器而當時官兵人民未
能共憤義勇驅逐出境掃清羶穢反致低